



Inatsisartunut ilaasortaq
Jens Napātōk
Naleraq

15/06/2026
Sags nr. 2026 - 11395
Akt. id. 26569419

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

KANUNUPE-mut tunngatillugu § 37-mut tunngasutut apeqqutinut nr. 100_2026-miittunut akissutit

Asasara Jens Napātōk.

1. Nunaqarfiit ineriartornerat unamminiarnartullu pillugit Naalakkersuisut ukiuni pingasuni kingullerni KANUNUPE qanoq akulikitsigisumik oqaloqatigaat?

Akissut: Ukiut kingulliit pingasut iluini KANUNUPE-lu uppersagaasunik Naalakkersuisut oqaloqateqarsimapput. Ulloq 14. november 2023-mi taamanikkut KANUNUPE-p siulittaasua Karl Petersen nunaqarfinnut, aamma isorliunerusuni inoqarfinnut aningaasanut inatsisip kingunerisinnaasaanut tunngasumik Naalakkersuisunut saaffiginnippoq. Saaffiginnissut Naalakkersuisut ulloq 15. december 2023-mi ataatsimiinneranni oqaluuserineqarpoq, sulianullu tunngasutut ingerlattakkagalittut naalakkersuisoqarfinnit arlalinnit kattussatut akissut ulloq 12. februar 2024-mi nassiunneqarpoq.

2024-mi aggustip qaammataani Nuummi ulluni 12.-15. september 2024-mi Naalakkersuinikkut Ataqaigiissaarisooqatigiit (Den Politiske Koordinationsgruppe, PKG) ataatsimiinneranni KANUNUPE alaatsinaattutut ataatsimeeqataanissamut qaaqqusaavoq, tamatumani nunaqarfinni soqutigisanut KANUNUPE-p sinniisutut inissisimaaffigisaannik Naalakkersuisut immikkut pisutut akuersissuteqarlutik.

2025-mi novembarimi KANUNUPE-p siulittaasuata, Ingvar Motzfeldtip, aamma Nunamut Namminermut Immikkoortoqarfiup akornanni suli annertunermik allaqatigiittoqarpoq, 2025-milu maajip qaammataani nuna tamakkerlugu ataatsimiinnissamik KANUNUPE-p pilersaarutai ingerlatsinissaalu pillugit ataatsimiinnissaq pillugu kissaateqarluni siulittaasoq Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoqarfinnut saaffiginnippoq.

2. Nuna tamakkerlugu aalajangiisoqartillugu nunaqarfinni innuttaasut tusarneqarnissaat qulakkeerniarlugu KANUNUPE-mik suleqateqarnerup nukittorsarnissaanut Naalakkersuisut suliniuteqarpat?



Akissut: Ukiut kingullit iluini ingerlatani attuumassutilinni KANUNUPE-mik ilanngussaqaarniarlutik Naalakkersuisut ataatsiakkaanik alloriaateqartarsimapput. Paatsuugassaannginnerpaatut assersuut tassaavoq 2024-mi aggustip qaammataanit qaaqquissut, tamatumani 2024-mi septembarimi Naalakkersuinikkut Ataqatigiissaarisogatiguit (PKG-p) ataatsimiinnerani alaatsinaattutut ataatsimeeqataanissamut KANUNUPE periarfissinneqarluni. Kalaallit Nunaanni nunaqarfiit soqutigisarisannut sinniisutut KANUNUPE-p pingaarutilittut inissisimaffigisaannik qaaqquissumminni Naalakkersuisut immikkut ittumik akuersissuteqarnerat erseqqissarneqarpoq.

2026-mi marsip qaammataani Nunami isorliunerusunut Iliuusissatut Pilersaarut pillugu saqqummiussaqaarfittut ataatsimiinnermut KANUNUPE-p qaaqusaanerani Ineqarnermut, Attaveqaasersuutitut, Isorliunerusunut Upalungaarsimanermullu Naalakkersuisoqarfik ilisimatitsivoq. Ataatsimiinnermi iliuusissatut pilersaarummik nangitsilluni suliaqarnissaq pillugu KANUNUPE-mi, aamma aqqissuussiffimmi ilaasortanik peqateqarluni aallarniutitut oqaloqatiginninneq pivoq, ilanngullugit isorliunerusunit ingerlatassami takkuttussami takorluugarisanik, aammalu misillitakkani ilanngusuinnissamut periarfissat.

Tamatumunnga ilanngunneqarsinnaavoq nunami isorliunerusunut Iliuusissatut Pilersaarutip allanngoriartortitaanerani suliaqarnermi KANUNUPE-p suli ilaana, aammalu tamatumunnga atatillugu ingerlatap nanginnerani inoqarfiinnut mikinerusunut soqutigisarisanut takorluugarisanullu sinniisuunera. Taamaalluni inoqarfiinnut mikinerusunut angusassanik toraagalittut pilersitanik iliuuserisanillu allanngoriartortitsinermik suliaqarnermi KANUNUPE ilaatinneqareerpoq.

KANUNUPE-lu suleqatigiinnermut aalajangersagaanerusunik najoqqutassialigaanerusunillu toqqammavissanik pilersitsinissaminnut Naalakkersuisut piareeqapput, taamaalluni aqqissuussiffik inoqarfiit atugarisannut siunissaannullu toqqaannartumik attuisutut politikikkut ingerlatarisani siusinnerusukkut aqqissuussaanagerusumillu ilanngunneqarsinnaassammat.

3. Naalakkersuisut isumaqarpat KANUNUPE ullumikkut nuna tamakkerlugu nunaqarfiinnut soqutigisaqaqatigiisutut naammaginartumik inissisimasoq?

Akissut: KANUNUPE aqqissuussiffittut pisoqarfimmi ajornakusoorartulimmi inissisimasoq Naalakkersuisut ilisimavaat. Ilaatigut aqqissuussiffiup kommuninit tapiissutissanik pissarsisimannginnera pissutigalugu KANUNUPE siulersuisuminut qinersisinnaasimannginnera 2025-mi novembarimit allaqatigiinnerni takuneqarsinnaavoq. 2021-mi Ilulissani ataatsimiinnerup kingornatigut isumaqatigiissutaasunik malittarisartoqarsinnaannginnera siulittaasup taakkartuutigisimavaa.

Aamma siusinnerusukkut nunaqarfinni ataatsimeersuarnerit, inoqarfiinnullu minnernut malittarinnittutut eqimattuusut suliaqarunnaarnerat Naalakkersuisut ilisimavaat. Nunaqarfiit ataatsimeersuarnerat kingulleq 2022-mi pivoq, malittarinnittutullu eqimattuni ataatsimiinneq kingulleq 2018-imi pisimalluni.

Ataatsimut isigalugit tamakku nassataarat nunaqarfiit sinniisuini, aamma nunami namminermi ingerlattakkani oqaaseqarsinnaanerannut aqqissuussaannikkut tunngavigisap sanngiillisimanagera. Tamatuma sianigineqarlunilu iliuuseqarfiginissaanik pisariaqartitsisutut ajornartorsiutaanera Naalakkersuisut isigaa.



4. Naalakkersuisut nunaqarfinni innuttaasut ataatsimut sinniisussaanerannik politikikkullu aalajangiinerni sunniteqarsinnaanerannik pitsanngorsaasinnaasut eqqarsaatigisimappat?

Akissut: Piffissami 2023-2024-mi KANUNUPE-mit saqqummiunneqartunik unammillerfissanik arlalinnik Naalakkersuisut suliaqarsimapput, ilanngullugit sanaqataasarnermik aaqqiissut aqqutigalugu illunik piginnittuunerit, timmisartukut angallassisarnerit, TUSASS'imi pisussaaffigisat, peqqinnissamat tunngasutut angallassinert, nunaqarfinnilu eqqaavilerinerit. Sanaqataasarnermut inatsisip allangortinnissaanut siunnersuutit Inatsisartut 2023-mi ukiakkut ataatsimiinneranni siullermeerneqarput, 2024-mi upernaami nangitsiffigalugit oqaluuserineqarlutik.

Tamakkununga ilanngutissaaq 2025-mi septembarimi Naalakkersuisut killeqarfinnik qaangiisutut naalakkersuisoqarfinnit iliuuseqarnissamat eqimattunik pilersitaqarnerat, tamatumani isorliunerusunut iliuusissatut pilersaarusiornissaaq siunertarineqarluni, tamaani suliamut kommunit, Inatsisartut aamma sumiiffigisani inuiaqatigiit ilanngunneqarumaassallutik. Aammattaaq – KANUNUPE-mik kommuninillu peqateqarlutik – Naalakkersuisut iliuusissatut pilersaarummik tassannga suliaqaqquneqassasut Inatsisartut 2025-mi novembarimi akuersissutigaat.

Suliami tassani suliaqartuusutut suleqataasinnaanissaminut KANUNUPE aaqqissuussaannikkut toqqammavissanik aalaakkaasunik pisariaqartitsisusoq Naalakkersuisut sianigaat. Tamatuma qanoq pitsaanerpaamik isumannaarneqarsinnaanera pillugu apeqqut oqaloqatigiinnerni takkuttussani ilaatinneqarumaarpoq.

5. Naalakkersuisut KANUNUPE-mik nunaqarfinnilu aqutsisunik ataatsimeeqateqarnissaaq sulissutiginiarpaat, kattuffiup nunaqarfiit ineriartortinneqarneranni qanoq iliuuseqarnerusinnaanera oqaloqatigiissutiginiarlugu?

Akissut: Siunissamat tunngatillugu suleqatigiinnerup qanoq nukittorsarsinnaanera pillugu KANUNUPE-mik, aamma nunaqarfinni aqutsisunik oqaloqateqarnissaminut Naalakkersuisut ammasuupput. KANUNUPE-p aaqqissuussaanermini unammillerfigisaannik, aammalu isorliunerusunut iliuuserisap nukittorsarniarneranik maannakkut suliarisanik sianiginnillutik suliami tassani KANUNUPE-p ilaanissaata pissusissamisoortuunera Naalakkersuisut isumaqarfigaat.

Inussiarnersumik inuulluaqqusillunga

Maritha Broberg